

PL
2694
Y74
1753
v. 4

余忠宣

文集卷之五


門人淮西郭奎子章纂集

裔孫 秉剛方猷編次

雜著

題宋顧主簿論朋黨書後

先生之時上與下同患故國家之政夫人而得言
之召康公所謂士獻詩史獻典瞽獻書百工課庶
人傳語近臣盡規親戚補察故凡事之得失政之
利害國之治亂上無不有以全知而慎修之而至
於無敗蓋天下之勢如操舟舵師失利豈特棹夫



之患哉而凡同舟之人患也故有憂天下之心者
無不有以盡其言不盡其言者是不憂天下者也
有憂天下之心者由有以知其得失利害治亂之
故不憂天下者是不知所以得失利害治亂之故
者也夫天下之大患在於人之不得言而得言者
不以言與雖言之而不用其情甚者至以爲俗雖
有憂天下之心之人而不知天下得失利害治亂
之故者亦不敢言而國遂以亂亡如秦季世蓋可
監已而當主終不以爲戒何哉三代而下若宋之
一代人心世道猶有近古內而宰執侍從臺諫有

奏疏卿監以下不得日奉朝請則有論對朝臣上
殿則有奏劄皆與天子酬酢於殿陛之間如家人
父子之相與外而監司郡守凡所職事皆得以疏
聞天子親御筆劄以報之日有書至萬言者若事
大體重言者不以言則大學京學諸生與凡韋布
之士皆得詣闕上書言之至其晚年權臣執命士
益探鼎鑊冒刀鋸而論事不可壅遏其下與上同
患如此故能外捍強國內修民事傳緒三百餘年
而後亾雖先王之世人心之熾亦何以過此也予
昔與圭齋諸先輩修宋史嘗愛德祐時有蕭規者

前論丁大全黔面貶嶺南旣赦還又與京學生葉
李論賈似道又再貶似道罷陳宜中當國得詔還
學猶伏闕論事奇氣櫟櫟如平時宋亡我世祖皇
帝追大臣物色當時言者得葉李用以爲執政而
規獨不見蓋當時率諸生論賈者規也李特因以
成事者耳惟李應時掩以爲名而規遂不見知於
世歟於是時規已老死或伏溺而不出耶予屢欲
傳其人於史以不能詳而止至今惜之永嘉顧仲
明謁選來京師示余以今大宗伯達公所書其先
世主簿君與蕭侍郎論朋黨書言論慷慨而激烈

時秦檜炳國方以威權鈐制天下士大夫懼其禍
者甚衆而君言若此此予之所素歎以爲人心世
道之媿者故爲之書達公昔予局之監也其爲之
書亦必重歎於斯焉

書衣必重熨然其

取之熨者姑爲之書藝公昔予爲之盟也其爲之

者其器不尋言若此此予之視秦熨以爲人心世

和固不以熨者爲天下士大夫對其

正旦賀箋

伏以青陽煥景丕陳元會之儀彤史表年申告履
端之慶和薰率土喜洽岩宸合德無疆徽音有馥
六宮進御人涵樛木之恩九廟烝嘗時謹永繁之
事茂臨蒼律益介鴻禧臣等遠任旬宣阻趨朝覲
椒盤獻頌仰瞻立武之光桂殿迎春早應高禰之

瑞

聖賢表

聖節賀表

伏以華渚效祥光臨首夏大廷行慶忻對上儀凡
四表之尊親同一心而舞蹈 功超振古仁治含
生竭智附賢特重銓衡之選輕徭薄賦屢頒綸綍
之恩德與氣游壽宜川至臣等旬宣江漢企望蓬
萊承露絲囊遙獻無疆之頌齊天寶命願符有道
之長

湖廣省正旦賀表

二儀啓曆申逢首祚之期四海登圖誕際朝元之
會普天均慶庶物皆春申賀運撫休嘉功深對育
與民同始須解網之寬條屬吏在延布畫衣之新
憲光輝縟典益固皇基臣等猥以凡庸叨陪亮采
身江湖而心魏闕遙陳晉錫之詞內君子而外小
人願介泰來之祉

勉勵葉縣尹手批

名伯顏

告青田縣尹葉承事聖天子憂憫黎元而承宣者
不能道揚德意反以厲民君涖邑之初卽有政平
訟理之譽若漢黃霸魯恭皆可師法詩云靡不有
初鮮克有終君尙宜益修美政以追配於前人固
不偉歟公堂酒二尊專人奉勞

金焦集卷之五

金焦集卷之五

金焦集卷之五

金焦集卷之五

金焦集卷之五

金焦集卷之五

題涂穎詩集後

涂君叔良來京師與余同寢處凡兩載羹藜飯糗之餘相與論古今人詩皆有造詣尤長於五言其精麗有謝宣城步驟平淡閒適不減孟浩然叔良年甚少將來何可量耶余嘗論學詩如鍊丹砂非有仙風道骨者不能有所成也叔良殆有仙風道骨者耶旦晚余將有越中之行與叔良同處不知又在何日臨別殊難爲情讀此尤不欲舍吾叔良也叔良勉旃他日聞大江之南有謝宣城者必吾叔良也此亦足以名世豈待區區外物哉

御書贊

今上皇帝潛邸廣西時書方谷字賜臣毛遇順謹
贊曰皇德淵覲泊如大虛海上浴日惟書爲娛穆
穆玄雲垂若脂素神馬登河驚鸞游霧臣順霑賜
今益造玄雲漢在上胡不寶焉

題孟天暉擬古文後

秦燔燒詩書百家之言漢興稍掇拾之諸子後出
然頗襍以依倣之說如國策諸篇多蒯徹之流所
撰甚至竊取他書以足之如先秦者豈盡短長之
舊哉孟君天暉善模倣先秦文章多能似之其讀
國策當能辯之知予言爲不妄也

跋揭侍講遺墨後

豫章揭先生好稱獎後學人有片善卽誇道之不去口况於通家之好故人之子有可誇道者耶故世稱先生爲忠厚先生之子浚亦克樹立世其文行此忠厚之報書曰人之有善若已有之以能保我子孫黎民信哉彼媚疾者聞先生之風亦可媿矣

濟川字說

濟川者熙寧張子瑞之號也子瑞世以活人爲功聞於時其艱於衛生若川險者咸以舟楫濟之乙未春避地來歸袖卷求予字并說予方欲濟時艱得其人亦可尙已而言曰濟川者司命之謂也惟命弗懼於險弗嬰於疾昇終其天者爲正嬰於疾懼於險廼戕其生爲夭夭也者靡有司之者也嗚呼惟天生民有欲汲汲於名孜孜於利蛟龍鼃鼃之澗風濤險迅之所阻車馬限往來罔知禍厲者唯病夫涉情蕩於中氣戾於外膏肓蠱瘵之府疲

癰殘疾之基賊脉理伐壽齡罔重攝養者唯病夫
身此醫藥之利於人猶舟楫之利於天下二者固
相若已雖然匡君正國燮陰陽以利天下其道其
術亦不外於是說命曰若濟巨川用汝作舟楫此
子瑞之志也此其所以爲號也此濟川字之說也

題永明智覺壽禪師唯心訣後

永明壽禪師平生著述甚多唯心訣者其猶般若之心經也孫城祐上人頃作觀心堂於廣福寺及見西菴遂公明教臺得是編卽以衣資刻之甫畢工屬余歸自范陽請題其後心者萬化之原也迷則愚悟則聖存則治亡則亂易所謂差之毫厘繆以千里者正指是言也是編於心之細無不燭體用無不該三藏十二部精要之言無不在是先民言聖賢千言萬語只是欲人將已放之心約之使返復入身來自能尋向上去此又永明著書立言

之心也元統甲戌五月謹題

祝文

維兌爲澤奠位宅西翕輪陰彙蕩泊金天我有駿

祭西海

命肇域茲筵祀事惟常於皇無替

媪靈旁魄合德於天食於汾睢爲古方澤有嚴母

祭后土

事殷薦齋明斬我亟生永沐光化

節彼靈嶽荒於華陽二儀鍾秀三條分方興雨祈

祭西嶽

祈嘉祉耿耿以報以羣神休惟永

水伯之德稱自前古肆子寧神罔有弗至粹廟伊

嘉况載薦營

音盈

閔茲虞人以翕暴橫

祭河瀆

水德之靈神寔位長鴻紀六州澤施三壤杭稔允

殖飛潛資養我報以祀神哉昭享

祭江濱

岩岩大嶽爲望於巽宣德稟神作鎮中土唯中是
建四方之極神祐我民列嶽所眡

祭中鎮

天作高出典司雲雨作福於下秩配君公有嚴崇
鎮奠我岐下惠於西土民人所薦

祭西鎮

贊晦翁

父前子後大帶長裾人仰其名家誦其書盛哉若
人是謂用譽

染習寓語爲蘇友作

人若近賢良喻如紙一張以紙包蘭麝因香而得
香人若近邪友喻如一枝柳以柳穿魚鰲因臭而
得臭

結交警語

君子相親如蘭將春無天色之媚目有清香之襲
人小人相親如桃將春有天色之媚目無幽香之
襲人

潯嶽禱雨文

具官余闕謹告於南嶽潛山之神曰凡列於天地之間者吏食君祿以治其爭訟神享君祀以禦其災患無非事者也自盜之興同安之民農失其耕工失其業商失其資吾吏日夜孜孜以圖利之安集之以思報君食然自去歲以來田苗屢旱雨澤不時百姓饑死此則非吏之所能爲而神之責也夫所謂神者以其聰明正直而能福善禍淫者也昔者凶盜燔爾宮廟竭爾粢盛而吾民紆忠迪義以殄滅之而神乃禍民而弗禍盜所謂福善禍淫

者安在吏或不職以干天和神乃降災於民而弗降災於吏所謂聰明正直者安在夫羣神雖舉各有攸職能興雲致雨者惟山川之神耳爾神受命作嶽司命之寄在東北西三神之上又吾同安封內之神也水旱之責不於汝而奚歸今白露將近雖雨無及茲與神期三日大雨田禾熟成將率吾民修爾宮廟奉爾祭祀不然將與民圖變置汝其無悔

題黃氏貞節集

皇元至正十二年余闕奉旨出守安慶時邊警事
嚴日尋干戈憫憫無須臾得攄懷思越六年丁酉
撫金谿吳級以書抵轅門請題其母黃氏貞節集
併錄其所撰祭夫文及訓子詩三十韻讀之辭義
嚴正風節凜凜令人增氣槩所恨行伍中筆硯廢
置久安得從容諸先輩翰墨之後思發其幽潛乎
然闕也方以忠君爲務而級也拳拳以孝母爲念
聲相應而氣相求是可無一言以慰人子顯親之
心耶及觀黃氏年十九嬪於吳魯未幾而夫死涕

泣誓不更嫁破衣弊屣身操井臼賣簪珥以襄舅
姑之喪日訓二子以學夜分乃寐男長以室女長
以家閨門肅雍動止無纖毫愧悚淑德著於鄉閭
令名達於朝省足以表儀於當世矣若古之衛共
妻曹大家班班經史者不是過也其同郡翰林吳
公奎章虞公皆有叙述同里危素叙其詩曰世之
人不能天其天而有愧於黃氏者多矣嗚呼我國
家以仁義肇基朔土乾端坤倪靡不臣服列聖相
承風教宏遠宜可以登三邁五超越乎漢唐矣夫
何自兵興以來州縣披靡能卓然以正道自立者

僅不一二見其餘賣降恐後不啻犬豕昂昂丈夫
真無女婦之識良不悲哉且天下有可爲之機而
無敢爲之士民情有向善之意而無激善之才遂
使淳良化爲梟惡骨肉轉爲仇讐叛潰奔離益相
戕賊聞黃氏操行如此彼獨何心朝廷百年休養
之恩寧不辜矣此予讀黃氏詩文益有感焉宜夫
德人鉅卿咏贊不已盛朝所以旌其門復其家昭
名於史冊者豈偶然哉予又聞黃氏之子級以一
介貧賤奮不顧身集鄉丁禦強暴里閭得全非其
母訓之素能若是耶是皆可書淮南行省叅政西

夏余闕識

卷之五
 一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

書合魯易之作潁川老翁謨後

至正四年河南北大饑明年又疫民之死者半朝廷嘗議鬻爵以賑之江淮富民應命者甚衆凡得鈔十餘萬錠粟稱是會夏小稔賑事遂已然民罹此大困田萊盡荒蒿藜没人狐兔之跡滿道時予爲御史行河南北請以富民所入錢粟貸民具牛種以耕豐年則收其本不報覽易之之詩追憶往事爲之惻然

余忠宣公文集卷之五終

余忠宣公文集卷之六

門人淮西郭奎子章纂集

裔孫

秉剛方猷編次

五言古詩

擬古二首

昔在西京日縱觀質前聞皇皇九衢裏列第起朱
門借問誰所居丞相大將軍平明事遊謁車馬若
雲屯芍藥調羹鼎狔狄鑄酒尊頌聲美東魯逸奏
出西秦迴風薄蘭氣十里揚清芬東家有狂生容
顏若中人謬言擬宣尼幽思切立文著書空自苦

名宦乃不振悠悠千載下安有揚子雲

昊天轉時律大火西南馳勁商發羣籟白露降嚴
威攬衣起視夜明月鑒薄帷翩翩征鴈翔唧唧寒
蛩悲紅蘭委芳采栢葉亦離披喬喬千丈松孤生
泰山隈凝霜裂其膚層冰斷其柢摧殘若傾蓋蒼
翠終不移草木有至性明哲宜戒之

白馬誰家子

白馬誰家子綠轡縵胡纓腰間雙寶劍璀璨雪花
明甫出金華省還過五鳳城君王賜顏色七寶奉
威聲夜入瓊樓飲金罇滿繡楹燕姬陳屢舞楚女

奏鳴箏慷慨顧賓從英風四座生一朝富貴盡不
如秋草榮黔婁固貧賤千載有餘名

擬古 贈楊沛

楊生仕州縣謀國不謀身一朝解印綬歸來但長
貧茅茨上穿漏頽垣翳綠榛空牀積風雨蝸牛止
其中辛苦豈足念殺身且成仁

送錙伯溫之江西廉使 得雲字

祖帳依山館車蓋何繽紛使君驅駟馬衣上繡成
文中坐陳綺席羽觴流薄薰情多酒行急意促歌
吹殷况我同鄉友同館復離羣初暘麗神臯遙望

澄遠氛迴鑣望雙闕五色若卿雲蒼茫歲年徂東
西岐路分道長會日遠何以奉殷勤惟有凌霜栢
天寒可贈君

天門山

保寧知府楊丹梓人作記

楊子博地志名山屢出王但言隱彌匿崇冠峙嵩
梁井絡通遙甸天經列鉅障羣峰如菡萏歷亂發
金塘玉壺旣嶇嶢天門迥開張宛虹連紫蓋丹泉
濺石牀入門蔭修竹中夏若寒霜靈鳥多異色中
林皆竅香耀真啓幽室積石構瑤房萬里秘冥奧
千秋阻秩望惟應學仙侶結桂共相羊

秋興亭

涉江登危榭引望二川流
雙城共臨水兩岸起飛樓
漢渚深初綠江臯迥易秋
金風揚素浪丹霞麗綵舟
登高及佳日能賦命良儔
御者奉旨酒庖人供膳羞
一爲山水媚能令車騎留
爲語同懷者有暇卽來遊

安南王留宴

將命坐藩服式禮奉國賓
賢王重意氣延客到華裯
肅肅高堂上圓方饋八珍
齊優雜趙女歌曲一何新
遺響從風發彫梁落素塵
中觴每傳滿眷眷

難具陳厚往已有愧懷報恐無因

九日鄂渚登高

南州理秋祓嘉節協乾陽爰與幕中友臨眺陟崇岡
維時天氣肅芬菊已沾霜霤霤風振谷淒淒日在房
高雲歛楚岫曜景遊川漲微徑出丹林列坐泛金觴
佳賓未易合良會安可常英曹幸文雅獻酬寧計行
預恐還吹帽煩君戒太康

先天觀

仙客鍊金地蒼山深幾重至今龍虎氣猶在琵琶峰
峰前石路整金澗垂楊嶺萬壑闕阿宮千年奉

丹鼎日日来三秀人人吹玉笙既要王子晉復命
董雙成方朔金門步春來多自豫青鳥幾時還御
書寄君去北闕懷美祿南山思遠遊勞心如御水
東去復西流

黃鶴樓

崔嵬黃鵠嶺巋構楚材澄江還畫楯連城抗鉛
階雕衡朱鳥峙淵井綠荷開隱見長沙渚想望陽
雲臺晴霄一仰止輪奐信美哉淮南儻好道日夕
化人來

山亭會琴圖

連山環絕壑雲木亂紛披中有抱琴者有如榮啓
期蕭然久不去問子欲何爲

大別山栢樹

奇樹如蛟蜃盤鵲上虛空孤生雖異桂半死反如
桐香帶金爐氣色映綺錢中靈從后皇服年隨天
地終常瞻北枝翠終古鬱蔥蔥

題虞邵菴送別圖

南州山水麗中田歲事豐時貞文物粲道合朋輩
同濟濟衆君子班坐蔭青松迴洲環偃月丹林結
綵虹翔鷗方矯矯鳴鴈亦噦噦卽趣情已展染翰

思彌工子亦幽棲者纓冠朝北宮披圖誦佳詠邈
爾想高風

鶴齋

爲薛茂弘道士賦

葉縣飛鳧舄琴高駕赤鱗豈若青田鶴蕭灑廼仙
倫刷羽琪樹側振唳華池津騫騰望霄漢逸氣已
冲辰鍊液諒有驗滅景入無垠還乘過緱嶺舉手
謝鄉人

送觀至能赴歸德知府

善理崇富教長郡等烹鮮况茲久凋瘵望治切宸
淵紆組承明裏結駟雙闕前燕郊芳草歇商墟大

火懸高懷薄霄漢攬轡殊慨然揆予昧時用載橐
從甘泉庶聞兩岐詠爲予書汗篇

送黃紹及第歸江西

上林華落盡東門餞別初遊絲橫輦道金波溢鏤
渠含觴不能飲躑躅此城隅念子正英妙丹泉媚
綠蕖翻然阻山岫邈爾問離居芸閣誰同坐蒲生
孰共書時應有詞賦爲寄北飛魚

送胥式南還

孟冬寒律應原野降繁霜客子倦遊覽結筇還故
鄉驅車出城闕旭日懸晶光綺宮上爛爛翠閣後

蒼蒼豈無京華志晞景發清揚富貴在榮遇貧賤
有安行恒恐歲年迫臯蘭凋紫芳君看沙上鴈
鵝乃隨陽

題黃河清良岑幽居

大明照四海之子乃陸沉遠絕仁義絆結宇幽藪
陰薈翳谷中路嶄巖北山岑窻鶯響初蔭隴月頽
夕林時憑曲水几蕭散發長吟委化諒爲達滯樂
恐遂淫援琴鼓招隱念子爲薰心

題施氏西嶼書堂

中智貴得性得性非易求羨君泚水曲松竹蔽層

分思堂文集卷之二
丘春秋當佳日兄弟各命儔總轡凌晨徑展席面
綠流參差瓊峰出泓澄綺積周緇荷承繡宇黃鳥
響疏樓起坐玩芳帙爲樂鮮優游河陽恥巧宦建
春厭旅愁安得周公瑾爲館孫仲謀

送方以愚之嘉興推官

帝仁同禹泣典憲輟朝纓我友膺時選銜命出承
明是日芳節屈列餞多鉅卿桃開凝組色鳥轉雜
歌聲仰獻一杯酒遠慰千里行丈夫有遠業文墨
非所營勉布惟良政持用答皇情

玉雪坡

爲周伯溫賦

江梅有至性能怡君子顏
開花競芳節擢秀帶春
寒惟與玉同色還嗤雪
易殘芳香拂羅袖如薰
金博山置此賓席上
人人別意看

題劉氏聽雪樓

羣峰擁臨檻修竹鬱菁菁
蔭向曲池好聲惟雪夜
清天寒三日臥人道是袁生

馬伯庸中丞哀詩

結纓趨魏闕俛仰二十霜
化運易遷逝故老今盡
亡維時遊公門時節會
高堂崢嶸泰餘論炫燿希
報章制若縟繡陳聲若
寶瑟張儀若龍文鼎爛若

照夜璫芊眠出工巧幻妙極毫芒抽思究皇術振
藻詠時康是時朝廷上才彥羣有望公如逸虬出
萬驥爲留行念此今已矣松栢杳茫茫驅車入珂
里穹門委舊衡珠移青淵涸桃盡故蹊荒龍火出
勁秋玉衡變春陽朝榮計已殞夕香豈不芳感彼
推輪始惻惻我心傷

美浦江鄭氏義門

復大篆浙東第一家五字以旌之

省風浦江許憑軾歷高門借問居幾何九世今不
分解驂青松林愛此季與昆檢身事先訓禮度尤
恭溫生祥亦何用有後天所敦常棣閔叔咸厲階

悲婦言一朝或罔念喪敗寧具論清源無濁流芳
蘭有競芬摘毫誦勿替勉哉賢子孫

龍丘吟贈程子正

戰龍起新室羣鳥亦翩翩偉哉龍丘生抱琴歸故
山仰視天際鴻俯弄席上絃清音發疏越逸響遺
澗泉悠悠鳳翔漢婉婉虬媚川清風自千古何用
能草玄

八月十五日處州分司對月

玄武夕始正華月生秋旻金波何穆穆綠桂滿中
輪徘徊出西陸照耀此甌閩光流河宿隱氣隨商

身思堂文集卷之二
律振餘輝動軒房紫蘭含微津皇天降嘉歲五政
亦已陳樂哉一卮酒允矣同庶人

蘭亭

奉節過東鄙總轡臨越墟覽此崇山阿亭樹猶晉
餘陽林積珍木禊館疏鏤渠微風旋輕瀨宛委寫
成書秋杪霜露滋清商滿縣隅紅蓮凋綺蕊微瀾
見躍魚藉芳泛羽觴眠聽良有娛逍遙大化內豈
必三月初

楊平章崇德樓

重城控秋塞丹樓耀芳甸頽霞上氛氲蒼林下蔥

蒨長河城邊急積岫窻中見遠鴈滅居延行雲歸
鄯善大賢謝卿相垂幃化鄉縣春蟲觸寶瑟餘花
飄玉研方從董園樂陋彼謠梁轉伊子去山澤寒
齋秋草徧載覽登樓篇益重臨淵羨

送王開赴泗州行捕捉舉

蒼茫吳楚會縱橫淮坂流春水未泮渚芳杜已生
洲揚旌朱樓前張獵青山幽獻功效大兕亦致公
子裘消搖足爲樂何嗟晚不侯

待制張廷美姑阿慶詩

葭莢啓望國灼灼詠桃夭操觚染芳藻短髮未勝

翹始聆白雪句兼傳黃竹謠
蘭萌初映砌春霜已
降霄秋榛覆故隴驚蓬颯迴
颺金尊與瑤席庶足
奉阿嬌

雲松棲

初日高樓上卷幔對黃山
黃山出霄漢爛熳發青
蓮參差非一狀朝夕看屢妍
九華承雙舄敬亭附
駢筵漫漫雲崑嶺沈沈松
覆泉清颺坐中起如聞
帝女絃靜有幽事樂動無
塵慮牽消搖悅心目茲
道何長年

漢武射蛟臺

樓船遡南服，冥披窮山川。駐蹕潛嶽區，埋玉燔紫
烟。山澤津遼曠，竣事遂言還。鸞旂陟崇岡，延覽隘
八埏。大江去茫茫，高浪排雪山。毒霧白晝昏，饒蛟
吐饑涎。期門射生士，馮高咸控弦。獨取金僕姑，一
發中其顛。陽侯驅罔象，安流淨淵淵。錦帆張景風，
蕭鼓際遠天。歸來朝明堂，簪組聯貂蟬。會海合泰
山，還復幸甘泉。雄才與大略，氣槩凌九天。焉知千
載後，荒臺狐兔眠。我來素秋節，林巒紅葉鮮。矯首
望京闕，日暮寸心懸。

自集賢嶺入大龍山

皖公標楚甸茲嶺孕奇形翠積樅江潁崇冠呂蒙
城戒途入中林平岡駐我旌延望失來徑周覽多
所經峩峩石窻矗窅窅巖岫冥離離雲朝霽粲粲
樹敷榮關弓射鳴鴈羣谷振弦聲仰憐山人居俯
悅洞下耕蒼龍啓春候金虎收光精權家旣非學
農用或可明顧言同載者爲爾鑄阿兵

安慶郡庠後亭讌董僉事

亭名天開圖畫

鯨鯢起襄漢郡邑盡燒殘茲城獨完好使者一開
顏省風降文囿弭節遵曲阡雙池夾行徑累榭在
雲間天淨羣峰出地迥蒼江環霞生射蛟臺鴈沒

逢龍山開樽華堂上命酌頰危闌主人送瑤爵但
云嘉會難豈爲杯酒謹樂此罷民安魄淵無怕彩
清川有急瀾明晨起驂服相望阻重關

題周伯寧畫

殺機起無象平陸忽成紅蒼生旣猛虎日馭經紛
虹舉目墟里間但見蒿與蓬惟有王官谷于今似
畫中

三月廿九日郡庠後亭讌盧啓先僉事

晨集凝江渚列席當蕙檐斯亭信顯敞翠嶺帶澄
川潮駕宜城步山積司空原青松紛被徑紅桃競

分忠堂集卷之二
發園衆賓起爲壽繁轉出嬌絃中腸念遠離歲行
已再遷漂萍有時合浮雲未見旋今朝不爲樂來
會知何年

九日宴盛唐門

今日良宴集玉帳設金縣賓稱此嘉辰令德應重
乾淒淒秋陽升湛湛江景鮮西馳三潞津東瞻九
華山文湍帶粉堞卿雲覆綵旃清歌送銀爵泛此
秋花妍嗟予遠征人別家今四年采薇夜歸戍操
築朝治垣微此一日歡苦辛良可憐中腸感前謀
撫運當泰年燔柴盛唐郡泛舟樅江前臨川射長

蛟雄風推八埏豎儒謬從役任重力廼綿武功旣
無成文德何由宣微勲倘有濟敢愧魯仲連

奉和旨南上人喜雨之什叔良雖不作詩不
妨一觀也

出車橫門道采薇皖溪水雜耕不逢年軍士常飢
餒奉牲走羣望惻迫忘汝爾皇皇大司命配天奠
南紀方屯啓時澤拯民出瀕死雲章變膚寸雨勢
來不已睇嶺三峰溪行阡九江起開房各羣羣擢
葉方泥泥說郊君牡駢饁野田畷喜未論車箱滿
已見沽酒旨斯民旣云樂兵甲行可洗赫靈有耿

分忠堂文集卷之二
祉壽天誠在已淫陰無往輒薄伐有凶理撫事非
偶然涼薄那致此騁辭繼周頌屢豐自天子

送康上人往三城

嘗登大龍嶺橫梁視四方原野何蕭條白骨紛交
橫維昔休明日茲城冠荆揚芳郊列華屋文纓被
五章乘車衣螭繡貴擬金與張此禍誰所爲念之
五內傷豎儒謬乘障永賴天降康樅陽將解甲皖
邑寢開疆耕夫緣南畝士女各在桑念子中林士
振策亦有行我聞三城美龍嶺在其傍連林積修
阻下有澄湖光明當洗甲兵從子臥石牀

七哀

殷武誦采阻周魯歌東征聖哲則有然我何敢留
行斬牲祀怒特釁鼓起前旌野布魚麗陣山鳴鐃
吹聲函關何用塞受降行已城路逢故鄉人取書
寄東京寄言東京友勉樹千載名一身未足惜妻
子非無情

五言律詩

送李好古之南臺御史

都門相送處旭日動蘭暉綺樹鶯初下金溝絮漸
飛分驂向遠道把袂戀音徽去去江南陌應看滿
路威

送普原理之南臺御史兼東察士安

霜署起南天雲霄畫榜懸兩幃猶可對二妙古難
全夏木籠彫檻風華度繡筵時應聯騎出誰謂非
神仙

送霍維肅令尹

握手蘭宮外朝光滿徑塗山寒知塞近苑靜覺鶯
疎草草離樽旣悠悠征輶驅還應軫時念不羨報
金吾

呂公亭

鄂渚江漢會茲亭宅其幽我來窺石鏡兼得眺芳
洲遠岫雲中沒春江雨外流何如乘白鶴吹笛過
南樓

宴晴江山拱北樓

漢坻開繡閣蕭然似渚宮晴江華楯外列岫綺錢
中樹色青罇綠荷花女臉紅賢王敬愛客樂宴意

何終

題元興寺絕塵軒

網軒開翠嶠山水下蔥龍江中寶牀擁樹杪畫欄
紅心融二障滅境靜六塵空應似青蓮葉齊開綠
水中

題元興寺壓雪軒

軒轅鑄鼎處仙臺成畫圖寒雲生洞渚暝色入蒼
梧如霧飄丹閣非烟起玉爐年年漫來此無處挽
龍胡

竹嶼

秋水鏡臺隍孤州入森茫地如方丈好山接會稽
長紫蔓林中合紅蓮葉底香何人酒船裏似是賀
知章

送危應奉分院上京

峽路傳清警金輿夾綵旃還如向姑射詎比幸甘
泉苑樹紛成幄關榆始委錢從臣偏寵近載筆幔
城邊

嘉樹軒

爲胡士恭作

嘉植將百歲積翠廣庭間高柯出閭巷低枝蔭井
乾流膏從風颺芳氣散如蘭別有清霜節將同綺

樹看

禎祥菊

爲沙伽班院使賦

舊花已萎絕新花廼再芳都緣稟金氣特解傲司
藏旖旎生殘馥蕨蕤出故房應憐蕙草質戢穎委
微霜

大口迎駕和觀應奉韻二首

晨光開翠嶠廣路淨氛玉馱度流水華蓋爛垂
雲旣御大宛馬還朝鯁海君都人望旌纛樂哉歌
采芹

仗出彈箏峽川原殼騎分天行肅大化時邁耀前

聞整蹕傳清道激吹入行雲日暮望雙闕草木亦
欣欣

賦得九里松送吳元振之江浙左丞

結駟向青郊松陰九里遙言從天竺寺自度小春
橋偃蹇成芝蓋蕭瑟蔭蘭橈相送將何贈期君保
後凋

題合魯易之四明山水圖

窻中望蒼翠春木起晨霏孤嶂纔盈尺長松未合
圍蕭蕭此僊客日日候岩扉念爾空延佇王孫且
未歸

祝蕃遠經歷輓詩

逆軌無還轍驚川有怨思
蒼苔生舊館素簡委空帷
龔勝誰相弔虞翻少見知
惟應問道者廬墓薦江離

南山贈隱者

君家南山下南山果何如
開如陣雲黑向背凌空虛
木客采薜荔怨女詠薜蘿
何當牽白犬見君巖下書

賦得慈恩寺塔送李惟中赴西臺御史

祇園開塔廟遐瞰盡三秦
琬玉裁文陛金銅結綺

輪高標雙闕外流影灞陵津攬轡還登眺題名繼
昔人

賦得鉅野澤送宋顯夫僉事之南山

堤上柳沈沈春蒲汎渚禽濟田東匯闊汶水北流
深落日依中沚浮雲積太陰微茫看不盡渾似別
時心

汪尙書夫人輓詩

喧喧引長紱簫鳴閭井間旌連綺霞閣路指敬亭
山泉底鸞臺掩城中翟蓋還尙書老歸國誰與襲
芳蘭

送張有恒赴安慶郡經歷

曉路通高嶂春城入大江
草生垂釣浦人語讀書
牕肅客移茶鼎行田載酒
缸幕寮誰得似高步絕
紛麗

寄題環秀亭

五祖寺

宗老來相報黃梅盜已平
傳聞一峰下還有九江
橫象構誰能壞香臺積可成
憑詢幾小劫又復到
昆明

葛編修輓歌

景光

昔別情何樂今還語向誰
幽房通貝闕空館罨蕪

絲未過徐公墓徒懷有道碑
扁舟望湖曲清淚濕江蘼

凌孝女詩

王哀廢蓼莪女亦有凌娥哭
魚奉慈母淒涼蔭女蘿幽叢
啼蕙露芳樹罷鶯歌迢遞城
南路諸姑將謂何

夜坐和成太常二首

片月生碣石微光挂玉弓
秋河空宿窕遙映建章宮
哀鴻知時節南飛正匆匆
感君思親味惻惻此心中

牽牛表宮雉華星動綺錢沈沈鵲觀悠悠清漏
傳無才愧三益虛食念百廛綿思至中旦莫繼瑤
華篇

宋祭酒輓歌二首

文章知有數耆舊忽先零東井開圖畫西山閱爽
靈司徒虛執饋太史蚤垂銘悵望平原繡時時問
客心

東閣哀長別南宮闕嗣音相知誰念舊爲報果如
今江漢無時返奎文永夜深淒涼釣魚地落日下
遙陰

謝堯章妻輓歌

草滿章臺墓松欹石柱廬憶歸司隸里能誦伏生
書夜哭聞茅店春祠雜筍菹傷心夫與子塵簡若
爲舒

送李伯實下第還江西

之子不得意南行無怨辭官河人杳杳客路雨絲
絲古木淮陰市春城孺子祠悽然千里別爲賦小
星詩

有所思

春風起寒色春衣方重熏新裝捲羅幕清唱入行

雲豔色若流月芳澤謝蘭芬嬋娟信無度我思何
在君

長安陌

浩浩長安陌瑤樓夾廣塵鴛鴦御溝上芍藥吹樓
前駿馬追韓嫣金尊約鄭虔功名有時有且得樂
當年

伯九德興學詩

上德撫玄運額俊尹神京三雍烝髦士五學訓齊
氓登歌陳羽縣鸞刀奉麗牲優游樂清化大道嘉
方行

送孫教授

皇情重聲教宵裝爾載馳邊城南徼外禮殿左江
陞揖讓陳柳器弦歌蔭薜帷全勝宜春郭花落閉
門時

賦得君子泉送彭公權爲黃州教

君子沒已久遺井郡齋中本寓思人意兼令澤物
功銀牀駁故蘚玉鬣落寒桐幾日趨官舍橫經誦
養蒙

賦得春雁送司執中江西憲幙

春風起蘋末旅鴈尙回翔乳鴨嬌同啞新蒲短可

藏應懷洞庭水非避塞垣霜客路頻懷舊題書寄
帝鄉

宋顯夫學士輓詩

紫陌暗蒼茫松門近太行悲笳翼蜃軸素紱引魚
荒故筆誰採取神書永共藏愁尋持橐地秋陰結
女牀

題段吉甫助教別墅圖

玉署掛新圖如君舊隱居峰高乃霞上葉變是秋
初游客看常在溪聲聽却無只此同登望豈必命
柴車

賦得蛾眉亭送王得常御史赴南臺

江亭望華嶸望望似修眉掃黛偏能巧含顰知爲
誰娟娟微雨裏脈脈夕陽時千里乘驄去因之傷
別離

出雷港

江水碧如鏡晴空無垢氛青山遙隔浦白鳥自成
羣花落春纔半潮平日欲曛歸期應不遠消息未
相聞

題蛾眉亭

空亭瞰牛渚高高凌紫氛澄江萬里至華嶸兩眉

分落日兼霞綵流光成綺文憑軒引蘭酌休憶謝
將軍

全史綱目卷之八

七言律詩

送王其用隨州省親

都門楊柳萬絲垂，城下行人駟牡騑。
宮中近得三年謁，篋裏新裁五色衣。
漢臯秋晚遊娼少，夢渚波寒獵火微。
我有愁心似征鴈，隨君日日向南飛。

登太平寺次韻董憲副

蕭寺行春望下方，城中雲物變淒涼。
野人籬落通灣口，賈客帆檣出漢陽。
多難漸平堪對酒，一罇未盡更焚香。
憑將使者陽春曲，消盡征人鬢上霜。

五言絕句詩

詠井上桃花

本是仙源種移來禁中栽爲愛妖嬈色偏臨露井
開

題段應奉山水圖二首

水如剡溪水山似剡溪山想見鱸魚美扁舟常不
還

花隱玉堂署曲几對雲峰爲問江南客何如九里
松

題合魯易之鄞江送別圖

欲去更還顧依依戀所知今朝去京日似子渡江時

題紅葵蛺蝶圖

蛺蝶旣無數秋花亦滿樓終焉不飛去似怨弄芳遲

題溪樓

溪水綠悠悠高樓在溪上日暮望江南舟中采菱唱

七言絕句詩

別樊時中

桃花灼灼柳絲柔
立馬看君發鄂州
懊惱人生是離別
不如江漢共東流

題光祿主事虎仲桓海棠圖

沈香羯鼓打春寒
纔見開時又見闌
爭似君家屏幃裏
年年歲歲有花看

題紅梅翠竹圖

竹葉梅花一色春
盈盈翠鈿掩丹唇
休言畫史無情思
却勝宮中剪綵人

贈澄上人

壞色衣裳護七條手持經卷意蕭蕭
頭陀寺裏相逢後又向天台訪石橋

題山中道士善琴

山中道士綠荷衣新抱瑤琴出翠微
已與塵緣斷來還逢人猶鼓雉朝飛

南歸偶書二首

帝城南下望江城此去鄉關半月程
同向春風折楊柳一般離別兩般情

二月不歸三月歸已將行篋換征衣
殷勤未報家

園樹緩緩開花緩緩飛

別樊時中廉使

光祿橋西惜解攜
春星欲傍露盤低
自來宮柳多離思
更着城烏在上啼

余忠宣公詩集卷之六終

跋

先忠宣公元季死節歷今三百餘年蒞茲土者欽慕有人表章殊乏也

太守張公來守是邦撫茲堂宇聿更新之瞻茲寢室重營建之憫塚墓之頽封石固之攷赴難之也糾工浚之彙本末之全郡縣誌之公之有造於忠宣也豈淺鮮哉至於詩文篆隸屢遭兵燹存者十一家廟所傳僅得青陽一集公復遐搜博採攷訂真贗彙爲六卷捐貲剞劂斯文未喪微公之力烏能臻此嗚乎節者本也文者華也均之性情之發

也節已著而文顯文不朽而節不磨矣昔廬陵傳
杲卿之烈昌黎叙巡許之忠後人讀其文欽其節
激觸奮興感發於性情而不能自已是刻也正公
之敦勵末俗啓牖後賢範人心於不死維節義於
無窮獨吾余氏傳書乎哉是大有功於名教也

青陽十世孫雲龍謹跋

